

পাইকগাছার ঘটনায় বিভিন্ন মহলের নিন্দা ও প্রতিবাদ

গত ৭ই নভেম্বর খুলনার পাইকগাছা উপজেলার হরিনা খোলা গ্রামে চিৎড়ি ঘেরের মালিক পক্ষ ও কৃষকদের মধ্যে সংঘর্ষে ৪০ জন আহত ও মহিলা নিখোঁজ হওয়ার ঘটনার খুলনার বিভিন্ন রাজনৈতিক সংগঠন ঘটনার তীব্র নিন্দা জ্ঞাপন করে দোষী ব্যক্তিদের দৃষ্টান্তমূলক শাস্তি দাবী করেছে।

।।৫দল।।

এই ঘটনার নিন্দা জানিয়ে ৫ দলের পক্ষে বাংলাদেশের ওয়ার্কাস পার্টির খুলনা জেলা শাখার সম্পাদক জিহুর রহমান বলেছেন, গণমানুষের ওপর নির্যাতন এমন পর্বায়ে এসেছে যে, মানুষের প্রতিবাদ করার অধিকারটুকুও এখন আর নেই। বৈরাচার ও তার দোসরদের উৎখাত না করা পর্যন্ত নিপীড়নকারীরা এভাবে আঘাত করবে।

।।আওয়ামীলীগ।।

বাংলাদেশ আওয়ামীলীগের কেন্দ্রীয় প্রশাসনিক সম্পাদিকা বেগম মল্লিকান সুফিয়ান, জেলা সভাপতি এ্যাডভোকেট কাজী আব্দুস সালাম, সাধারণ সম্পাদক শেখ হারুনুর রশীদ, মহানগর সভাপতি এ্যাডভোকেট শেখ পাতার ও-এর কলম দেখুন

পাইকগাছার ঘটনায় বিভিন্ন

প্রথম পাতার পর

মজুরুল ইমাম ও সাধারণ সম্পাদক তালুকদার আব্দুল খালেক এক যৌথ বিবৃতিতে পাইকগাছার ঘেরের মালিকদের সশস্ত্র হামলার ২ জন নিহত ও ৪০ জন আহত হওয়ার গভীর ক্ষোভ ও নিন্দা জ্ঞাপন করেছেন।

বিবৃতিতে নেতৃবৃন্দ বলেন, এ ধরনের ঘেরের মাধ্যমে নীলকরদের মত প্রভাবশালী লোকদের অত্যাচার সর্বকালের সীমা ছাড়িয়ে যাচ্ছে। নেতৃবৃন্দ এ ব্যাপারে প্রশাসনিক হস্তক্ষেপ কামনা করেছেন।

।।সর্বদলীয় ছাত্র ঐক্য।।

খুলনা জেলা সর্বদলীয় ছাত্র ঐক্যের নেতৃবৃন্দ এক যৌথ বিবৃতিতে পাইকগাছার হরিনা খোলা গ্রামে নিরীহ জনগণের ওপর ঘের-মালিকের ওতা কণ্ঠক গুলিবর্ষণের কলে ২ জন নিহত হওয়া এবং কয়েকজন যুবতী মহিলাকে অপহরণের নিন্দা জানিয়েছেন।

ছাত্রঐক্যের নেতৃবৃন্দ অবিলম্বে এ ঘটনার তদন্ত করে অবিলম্বে দোষী ব্যক্তিদের বিরুদ্ধে আইনানুগ ব্যবস্থা গ্রহণের জন্য কর্তৃপক্ষের কাছে জোর দাবী জানিয়েছেন। অন্যথায় ছাত্র সমাজ উপযুক্ত ব্যবস্থা করবে।

।।সিপিবি।।

পাইকগাছা উপজেলার দেলুটি ইউনিয়নের হরিনাখোলা গ্রামে প্রভাবশালী চিৎড়ি ঘের মালিকের সশস্ত্র লোকজন কর্তৃক নিরীহ জনসাধারণের ওপর গুলিবর্ষণ, হত্যা ও আহত করার প্রতিবাদে গতকাল বিকেলে শহীদ হাসিনা পার্কে সিপিবি শহর শাখার উদ্যোগে এক প্রতিবাদ সমাবেশ অনুষ্ঠিত হয়।

এ্যাডভোকেট ফিরোজ আহমেদের সভাপতিত্বে অনুষ্ঠিত সমাবেশে বক্তৃতা করেন শেখ মনিরুজ্জামান, অসীম আনিস দাস, রুহিন হোসেন প্রিন্স।

প্রতিবাদ সমাবেশে বক্তারা হত্যা ও নির্যাতনের তীব্র নিন্দা জ্ঞাপন করেছেন। এবং অবিলম্বে হত্যাকারীদের দৃষ্টান্ত মূলক শাস্তিদাবী করেছেন।

।।ক্ষেতমজুর ইউনিয়ন।।

জাতীয় কৃষক সমিতি ও বাংলাদেশ ক্ষেতমজুর ইউনিয়নের খুলনা জেলা কমিটির সভাপতি ও সাধারণ সম্পাদক যথাক্রমে মুনীর সাহা কালু, শেখ আতিয়ার রহমান, আজিজুর রহমান ও শেখ সাঈদুর রহমান এক যৌথ বিবৃতিতে বলেন, খুলনা জেলার সমগ্র দক্ষিণাঞ্চলে এক প্রেণীর বে আইনী চিৎড়ি ঘেরের মালিকরা এক সন্ত্রাসের রাজত্ব কায়েম করেছে। কৃষক ক্ষেত মজুরদের খুন, গুম, গ্রাহাজানি নিত্য নৈমিত্তিক ঘটনার পরিনত হয়েছে। তারই ধারাবাহিকতায় গত ৬ই নভেম্বর অনেক চিৎড়ি ঘের মালিকের ওতারা দেলুটি ইউনিয়নের হরিনা খোলা গ্রামে নারী-পুরুষ নির্বিশেষে কৃষক জনতার ওপর বর্বরোচিত হামলা চালিয়ে খুন করে। নেতৃবৃন্দ এ ঘটনার তীব্র নিন্দা জ্ঞাপন করেছেন এবং অবিলম্বে দোষী ব্যক্তিদের দৃষ্টান্ত মূলক শাস্তি দাবী করেছেন।

।।খবরবিজ্ঞপ্তি।।